

hilff / vnd beystand / So Er vnd Sy / nicht allain in nächst entstandener Schmalkaldischen Kriegsübung des sechsundvierzigsten Jars der geringern zal / vnsern damals vngesamten des gewesnen Schmalkaldischen Bundts / jren mituerwandern / vnd anhängern / Sondern auch hernach vnsern vnd des hailigen Reichs vntertanigen öffentlichen Feinde dem König von Frankreich / desselbigen helffern / anhängern / vnd andern vnsern widerwärtigen / in jüngst erteygter Empörung vnd Kriegshandlung / vnd sunst auch seythero biß auff dato diß Brieffs begangen / vnd also aller straff / deren Sy sich dardurch / vnd nach auffsetzung / vnser vnd des hailigen Reichs ordnung vnd sayung / vnd sonder nach außweisung vnser Achtklärung gegen jne außgangen / Auch der Acht vnd Aberacht / darein durch vns gemelter Schertlin erkennt / erclart vnd verkündet worden / vnd sunst in ander wege / wie das beschehen oder zu erdencken were / thailhafftig gemacht haben möchten / gnädiglich verzeihen vnd er lassen / jne vnd Sy derselben allerdings begeben / vnd jne Schertlin auß dem vnfriden in den friden gesetzt / vnd von obberierter vnser Kaiserlichen Acht vnd Aberacht / Absoluiert / entlediget / vnd entpunden / vnser wider jne außgangne Mandaten gnediglich wider aufgehebt / Cassiert vnd abgethan / Vnd dagegen jne vnd Sy widerumb in vnser vnd des hailigen Reichs gnad / huld / schutz / vnd schirm / ausgenommen vnd empfangen / Auch in vorigen jren Stand / wesen / Ehre / würde / Preeminenz / haab vnd guter / Restituiert vnd gesetzt haben. Bewilligen / zusagen vnd versprechen / verzeihen obgemelte belaidigung / erlassen vnd begeben jne vnd Sy / solcher Straff des Rechtens / vnd oberberürter vnser vn des Reichs sayung vnd Achteerclerung / Setzen jne Schertlin auß dem vnfriden in den friden / Absoluierten / entledigen / vnd entpunden jne / von gedachter vnser Acht vnd Aberacht / heben auf / Cassieren / vnd thun ab obgemelte vnser wider jne außgangne Mandat / Nemen vn empfangen Sy widerumb / in vnser vnd des hailigen Reichs gnad / huld / schutz vnd schirm / Restituieren / vnd setzen Sy in vorigen jren Stand / wesen / Ehre / würde / Preeminenz / haab vnd gütern / alles von Nö. Kai. Maie. Macht vollomenheit / wißentlich in crafft diß Brieffs / Also das nun hinfüran weder gedachter Sebastian Schertlin / noch seine Sünne / noch jre haab vnd güter / Lehens oder eigens / Eigents noch farends / berürter Ahdherentz / fürderung / dienst / hilff / vnd beystand halben / noch was sich darvor / darin vnd darnach deßhalben / vnd bis auff dato diß Brieffs / zugetragen vnd verlossen hat / mit noch one Recht / nicht angelangt / bekümmert / noch beschedigt / sonder ganz frey vnd ledig stehen vnd bleiben / vnd von hemants / wes Stands oder weßens der sey / Gaislichen oder weltlichen / darum nicht angezogen werden / noch jnen auch die gemelten Kriegshandlung vnd empörungen / vnd jr Ahdherentz / dienst vnd beystand / vnd was darauß eruolet ist / an jren Ehn / warden / vnd Stand kain nachtail oder abbruch / in kain weise noch wege / geben / Sonder Er vnd Sy / allenthalben im hailigen Reiche / desselbigen zugehörigen Fürstenthumben / Landen / Stetten / Flecken / Obrigkeitten vnd gebieten /

zu Wasser vn Lande / jren willen / notdurfft vnd gelegenheit nach / frey / sicher vnd vnschwärt handeln vnd wandeln sollen vnd mögen / von aller menigklich vnerhindert. Doch sollen Sy sich hinfüran / gegen vns / vnd dem hailigen Reiche / alles schuldigen gehorsams / wie getreuen vnderthanen zusieht vnd gebürt / verhalten / vnd sich in künfftig zeit / weder inn noch außserhalb dem Reiche / heimlich noch öffentlich / wider vns / vnsern freündtlichen lieben Brudern den Rö. König / vnd das hailige Reiche / noch auch vnser löbliche heiser Osterreich vnd Burgund / nicht bestellen oder gebrauchen lassen / oder sich sunst in ainzig dienst oder bestallung begeben / darinn wir / sampt dem hailigen Reich / vnserm freündtlichen lieben Brudern / vnd vnsern heisern Osterreich vnd Burgund / nicht also außtrudentlich vorbehalten werden / Sonderlich aber gemelter Sebastian Schertlin sich der verlossnen oder anderer handlung halben / wie die namen haben möcht / vnd sich biß her zugetragen hatten / gegen den Edlen vnd Ersamen vnsern vnd des Reichs lieben getreuen / Statpfleger / Burgermeister / Rath / vnd Gemaind der Stat Augspurg / samentlich oder sonderlich / ainem oder mehren auß jnen / mit der that / außserhalb ordentlichs Rechtens / nichts vngültlichs anmassen / vnterfangen oder fürnemen / Sonder sich vberal gegen jnen / vnd sunst menigklich / fridlich vnd glaitlich halten vnd erzaigen / vnd an ordentlichem Rechten benügen lassen / vnd dise vnser jnen bewisne gnad vnd miltsinige Gürtigkeit / yederzeit trewlich vnd gehorsamlich / jren pesten vermögen nach / zuuerdienen befließen / trewlich vnd ungesährlich.

Vnd gebieten darauf allen vnd yeden Churfürsten / Fürsten / Gaislichen vnd Weltlichen / Prelaten / Grauen / Freiherrn / Ritters / Knechten / Hauptleuten / Landvögten / Bisthumben / Bögten / Plegern / Verwesern / Ampfleuten / Schulthaisern / Burgermeistern / Richtern / Rätthen / Burgern / Gemainden / vnd sunst allen andern vnsern vnd des Reichs vnderthanen vnd getreuen / in was Wirden / Stadts oder weßens die sein / Ernstlich vnd vestigklich mit dijem Brief / vnd wöllen / Das Sy den gemelten Sebastian Schertlin vnd seine Sünne / bey diser vnser Kaiserlichen Absolution / huld vnd begnadigung / frey sicher / one alle entgeltuß / belaidigung / irrung / verhinderung oder eintrag / gerübligklich bleiben lassen / Sy dabey von vnser wegen handthaben / schützen vnd schirmen / vnd hiewider nicht thun / noch des hemants andern zuthun gestatten / in kain weise / Als lieb aine yeden sey vnser vnd des Reichs schwäre vngnad vnd straff / vnd darzu ain penn / Nämlich dreyßig Mark lötzigs Goldes zuernehmen / die ain yeder / so oft er fräuentlich hiewider thete / vns halb in vnser vn des Reichs Cammer / vnd den andern halben tail benantem Sebastian Schertlin / oder seinen Sünnen / die also hiewider belaidigt oder beschwerdt wurden / vnabläßlich zu bezalen verfallen sein soll / Mit vrkundt diß Brieffs besigelt mit vnserm Kaiserlichen auffgetruckten Zünffsel. Geben in vnser Statt Brüßel in Brabant / am Achtzehenden tag des Monats Juny / Nach Christi vnser lieben Herren geburt Fünffzehnhundert vnd im